



Suđenje Aliju Lokaju i njegovoj grupi

KILOGRAM HEROINA NAPLAĆIVALI 20.000 EURA

Vijeće razdvojilo postupak u odnosu na Dobraču, Mehovića i Vidaka, koji su sklopili sporazume o priznanju krivice sa Tužilaštvom BiH

Vidak Milić prilikom izlaska iz Suda BiH

U nastavku suđenja uhapšeni- ma u akciji Oskar, Aliju Lokaju i Agimu Eljšaniju, optuženim za organizovani kriminal i šverc droge, u Sudu BiH je u svojstvu svjedo- ka Tužilaštva saslušan inspektor Državne agencije za istrage i za- štitu (SIPA) Igor Kujača.

Iznajmljeni stanovi

Radeći kao vođa tima, Kujača je kazao da je istraga protiv Lokaja i njegove grupe pokrenuta nakon svih prikupljenih informacija. Objašnjavajući da je Lokaj orga- nima gonjenja bio poznat odrani- je, Kujača je naveo da je Lokaj u sarajevskom naselju Stup iznaj- mio dva stana u koji je donošena droga - heroin i skank.

- Modul prevoženja droge bio je taj da se prevozila u automobili- ma, autobusima, čamcima, uz sebe su je nosili, u skrovitim mjestima, a kada dođe do BiH, droga je prikrivana u iznajmlje- nim stanovima. To je bio kvalite- tan heroin koji je osoba koja je to dobro znala da radi pretvarala u mnogo veću količinu od postoje- će. Roba je pripremana u stano- vima, a potom je išla u Hrvatsku, Srbiju, Makedoniju. Oko kilo- gram heroina, koji je išao van BiH, koštao je 20.000 eura. Dogo- vore oko kupovine droge, prema riječima inspektora SIPA, vršio je Lokaj, koji je, dodao je on, bio or- ganizator grupe.

- Dogovore oko prodaje heroina vršio je Lokaj, a novac od prodaje je nošen njemu, naglasio je

Optužni akt

Alija Lokaja optužnica tereti da je od jula do polovine decembra 2014. u sedam navrata organizovao i rukovodio grupom u kojoj su bili Eljšani, Nijazi Muharemi, Hakija Mehović, Nermin Planinčić i Vahidin Dobrača, te druge osobe kao što su Jašaraj Gani, Murat Hadergjonaj, Zoran Stefanović, Vladislav Vasić, Jugoslav Savić, Denis Jašić, izvje- sni Ado i Nusko. Grupa je organizo- vana radi prenosa, držanja, posre- dovanja u daljoj međunarodnoj prodaji heroina i skanka. Tu drogu su iz Makedonije Srbije i sa Koso- va prenosili u BiH. Heroin iz Srbije, stoji u optužnici, miješali su sa drug- im supstancama i prodavali u BiH i Srbiji, te najčešće koristili ši- frovane termine koji su označava- li vrstu, količinu i cijenu droge, kao i mjesto i vrijeme susreta radi pre- uzimanja i isplate cijene za kuplje- ne narkotike. Ovoj grupi se na te- ret stavlja da je u više navrata pro- krijumčarila oko 2,5 kg heroina, 1,5 kg skanka, te 400 grama smjese za miješanje sa drogom radi poveća- nja njene mase, a tokom pretresa je nađeno i privremeno oduzeto oko 969 grama heroina, kao i određe- na količina smjese za miješanje sa heroinom radi uvećanja mase (pa- racetamola i kofeina).

Kujača. Na upit advokata Omara Mjesečara koliko je droge prona- đeno prilikom pretresa pome-

nutih stanova, svjedok je rekao je kilogram heroina, te ostali pred- met, vage, smjesa za miješanje. Kujača je ispričao i to da je optu- ženi Eljšani drogu uzimao od Lo- kaja, a potom ju je prodavao na području Bihaca.

Iskaz je dao i Irhad Kos, uposle- nik SIPA, koji je vještačio mobite- le i sim-kartice pronađene kod optuženih. Kod Lokaja su, kazao je Kos, pronađeni deset mobite- la i 16 sim-kartica, te četiri nosa- ča, dok su kod Eljšanija nađeni je- dan mobitel i pet sim-kartica.

Sporazumi

Prije nego su svjedoci sasluša- ni, Vijeće kojim predsjedava sut- kinja Tatjana Kosović razdvojilo je postupak u odnosu na Vidaka Milića, Hakiju Mehovića i Vahi- dina Dobraču, a koji su sklopili sporazum o priznanju krivice sa Tužilaštvom BiH. Kako sazna- jemo, Dobrača i Vidak su se slo- žili da im se izrekne po godinu zatvora, dok je Mehović pristao na dvije i po godine. Da li će Sud i prihvatiti sklopljene sporazume, ostaje da se vidi 25. augusta ka- da je zakazano razmatranje spo- razuma u slučaju Vidaka, te 26. augusta u slučaju Dobrače i Me- hovića. Optuženi Eljšani je navo- dno također u pregovorima o priznanju krivice sa državnim tužiteljicom Dianom Kajmako- vić. Ranije su sporazume u ovom predmetu sklopili Nijazi Muha- remi, zvani Tiki Kiki, i Nermin Planinčić. **A. B. Č.**